

西藏論序

嗟乎今日之西藏真所謂處四面楚誦之中介兩大
強國之間雖稱為大秘密國而不能終於秘密者也
何也英扼其吭俄拊其背中國徒有治藏之名而實
見執紼之下西藏今日之問題遂以發生論者
咎於當時之未設行省其實非也西藏自入
本朝
康熙乾三代皆曾為戡定外患扶立達賴威惠已建
所定駐藏大臣之權限完備鎮懾尤為東方嚮背管
轄屬國之所無甚有似於古羅馬之管理屬國世人
咸疑當時天主教徒所獻之策理或然也惟此等法

制時久不做舉藏地之兵權財權選舉權外交權悉在我駐藏大臣掌握甚至呼必勒罕轉生亦用抽籤法立君大事亦在我國掌握既有如此之重權藏中君民祇圖擁其虛器又何嘗與行省殊乎惜乎法必待人而行僅有其法而無能勝其任之人遂使萬餘年間藏事如墮雲霧中至光緒十四年乃有英人哲孟雄之役越年言和許通商於是西藏名詞漸顯著於世人之口傳教之士探險之象益往來於西藏間矣顧西藏問題如此其急而中國寡知西藏者其故何耶蓋中土士夫罕有記載藏衛通志既病疏舛矣

其餘游記并多簡略轉不如日本僧人之大秘密國探險記為能詳及其政教風俗不亦恥乎矧今者達賴喇嘛因中英約成飄然遠去我國令有司監察迫令回藏達賴行至晉之五台有入覲之請 朝廷俞之入京以來與議諸事挑剔多方其非誠心內附可知也各國公使往謁皆由舌人傳語惟於俄使來謁達賴以熟俄語故直接言論其為取親俄主意又可知也頃因改省之 藏衆且以抗叛聞其又必有所恃愈可知也今我國研究西藏問題者漸衆然恆苦參考無書爰彙輯成帙或亦我國殖民政策之一助

云

光緒三十四年下元泰州單毓年耆仲氏序

西藏小識目錄

泰州單毓年者仲氏著

卷一

西藏險要攷

論藏防之與國防

論西藏之危

譯述英國與西藏之歷史

論英國經營西藏之政畧

卷二

論英藏私約之損害

譯論俄國之謀西藏

譯論俄人窺藏

譯述西藏拒絕耶教之歷史

讀大秘密國探險記

論西藏不能自守之故

論西藏大勢

整頓西藏條議

卷三

論中國對於達賴喇嘛之入覲

中國國民宜助政府經營西藏議

論達賴喇嘛與西藏之關係

論外人干涉藏務之宜防

論西藏亂事

卷四

上駐藏大臣治藏條陳

[illegible]

西藏小識卷一

泰州單毓年者仲氏著

西藏險要攷

蓋察地輿者貴原委之周知而談軍務者貴險要之
備悉今英吉利占有五印度廓爾喀哲孟雄諸部為
其勢力範圍鐵路已開至獨吉嶺其言重在通商而
唐古式部衆又復迭次阻撓難保不激生變故且邊
界野番稊處萬一乘機竊發處處堪虞是則西藏之
防防英為急而西東北三境又皆不及南界為急攷
阿里迤西岡噶江上游有拉楚河液楚河皆東水西

流合而南下復折向東有麻楚河

一作瑪楚河

自阿里東

南流出會之三水既合始名岡噶江又東南流二百

里出阿里界經馬木巴作木朗部落至瓦納特克國

入南海其疆域東至藏界麻爾岳木嶺

一作瑪爾岳木嶺

西二千一百餘里南自匝木薩嶺向北千餘里東

北近岡底斯山周圍以岡噶江源流為界疑及唐書

泥婆羅明史尼八喇國地為頗羅薩長子朱爾瑪特

策登駐防處有城十三有廟五其北界葉爾羌布魯

特其西為葱嶺雪山其南界廓爾喀昔為洛敏陽佐

木朗地今併歸於廓阿里宗城

一名噶爾

今為邊商總

匯之區北路山乾竺特逾蔥嶺可通俄羅斯此阿
里迤西地勢也其自阿里起沿廓爾喀境東南行其
要隘曰薩喀曰達即拉山曰宗喀曰瑪爾曰滾達曰
卓黨曰濟隴曰俄隴曰索絨曰札木多曰聶拉木曰
熱索橋橋臨細楚河水發源滾達卓克小南又從聶
拉木北行至絨轄逾通拉大山至定日汎又東南為
扎什宗為隆邁為喀爾達有朋楚河會二水入哲境
朋楚河發源定日西北向東流結楚河帕里河皆自東
北來會西南流入哲孟雄下流入雅魯藏布江逾
河北行至定結又東北至千堪又東至帕爾又西南
至噶里逾嶺即為哲部獨吉嶺此阿里及後藏南邊

要隘也其由帕克哩北行至整龍西距江攷汎百四

十里又東行至仁子又東為折拉為倫子為洛巴有

穆楚河自北來入奈楚河奈楚河發源仁子東趙折

流巴界逾穆楚河東行至喀義其雅魯藏布江由

阿里迤北之達木綽克喀巴布山發源曲折東趨受

南北大小數十河橫貫全藏至甲噶喀義折東南流

入貉獮野人境下流經印度入南海由喀義東行逾

雅魯藏布江又東過烏蘇江源出墨竹工卡江以北下

又東過桑楚河至簿宗桑楚河發源拉里以西之桑

里山為簿宗藏布河南流入雅魯藏布江又東繞龍川江上游

布占國界下流入雅魯藏布江

過怒江經洛隆至嘉裕橋再東繞通出王卡之西循
瀾滄江西岸又東南過江直抵雲南麗江府屬之維
西廳蓋藏南沿邊一帶之要隘如此夫藏地層岡疊
峙峻峭插天皆發脈於岡底斯山而蜿蜒分布者也
藏南沿邊一帶數千里俗急流危湍縱橫匝地皆會
謂之希模黎雅大雪山歸於雅魯藏布江而曲折南流者也惟極西之岡噶
江與江卡以東之怒江瀾滄江三水各趨南海不入
雅魯藏布江山河之險遠勝內地一夫把隘萬衆超
越而其稱名則更難僕數也後藏扎什倫布東北行
至江孜汎西南行至定日汎皆孔道而定日距邊較

近尤為四通八達是均宜重兵鎮守者乾嘉間惟防
廓爾喀故於濟龍聶拉木絨轄喀達四口堆立鄂博
置戍兵令哲孟雄布魯克巴其會城名諸部落將盡
扎布曲宗歸於英之印度疆場交錯玉帛兵戎何嘗之有藏南
沿邊一帶數千里地能不為未雨綢繆之計詳審要
隘而多設卡防也耶

論藏防之與國防

西藏為滇蜀之外藩欲固滇蜀則必固西藏此理至明不能易也自俄羅斯有觀兵青海之志一旦伊犁若失則自西北之哈即歸山至東北之匪楚河皆彼族垂涎地而蜀不得安英人佔據五印度窺伺廓爾喀兼併哲孟雄諸地一旦狡焉思逞則自西南之阿里至東南瀾滄江皆將盱食而滇亦不得安然則謀西藏者內固滇蜀之形勢外杜英俄之狡謀此二者缺一而不可也嘗攷禹貢分州必以山川定疆界誠以形格勢禁寓乎山川攷其山川即知形勢所在西

藏之山縈帶糾紛不可勝紀而要以岡底斯山為大
幹西北有蔥嶺北有崑崙皆峙嶮高峻縣遠千里藏
之南又有雪山有印度之克什米爾及廓爾喀哲孟
雄以北諸地皆雪山亘互山脉自西至東南縣長且
五千餘地天之所以蔽藏衛而安川蜀者其險未始
不在此至西藏之水首推雅魯藏布河其次則金沙
江瀾滄江潞江是也雅魯藏布河汪洋浩淼其長幾
貫全藏故前藏之扎什後藏之扎什倫布皆緣河立
城郭猶內地之武昌安慶緣江立城郭也而瀾滄江
潞江其險又與滇越共自古有事吐番未有不先取

諸江之險漢武開益州諸葛亮平西南夷皆先得此險而後道通自晉迄隋通壅靡常至唐蒙氏世為邊患宋太祖有鑒於此以玉斧畫大度河曰此外非吾有遂成鄭趙段楊三百餘年之僭可知天下大勢必以水為經紀也我朝神武開國全藏之地自阿里王薄宗皆俛首受駢藏大臣之節度然時局一變卧榻之旁客入鼾睡亟亟於金沙江怒江瀾滄江徧布水師或可為滇蜀之外蔽否則淪夷之禍求僅如南詔之於唐鄭趙段楊之於宋亦不可得矣綜觀西藏形勢大約正西及西北西南三面尚可藉地勢以自